



صَلَّى اللهُ  
وَسَلَّمَ

# MERE PYARE NABI

(sallallahu alaihi wasallam)

**Umme Hanzala Muhammadi**  
Wife of Shaikh Nooruddin Umeri





## Student Information

**Name:** .....

**Father's Name:** .....

**School Name:** .....

**Mobile No.:** .....



**Author:**

**Umme Hanzala Muhammadi**

(Wife of Shaikh Nooruddin Umeri)

**Design By: Syed Zabi Uddin Quadri**

(Suffah Graphics. +91-89513 73323)

**Publisher: Tarbiyah Books For Children**

(Hyderabad, T.S)

**Price : Rs. 120/-**

**Published in, August, 2024.**

**Distributor, Ar Rahman Enterprises**

(+91-9000011970, +91-9700811695)

All rights reserved under the Copyright Act. No part of this book may be reproduced and stored in any form or by any means, electronic or mechanical, including photocopying, without a prior written permission of the publisher.





## MUQADDAMA

**As Salamu Alaikum Wa Rahmatullahi Wa Barakatuhu.**

Bachchon ki deeni aur ikhlaaqi taleem hamaari zimmedaari hai. Hamaare bachchon ke dilon mein Rasool Allah ﷺ ki mohabbat ko bar'hana aur unki seerat ko samajhna intehaayi ahmiyat rakhta hai. Isi maqsad se yeh Seerat Quiz kitaab chhote bachchon ke liye tarteeb di gayi hai, taake wo sawaal jawaab ke dilchasp andaaz mein Nabi Kareem ﷺ ki zindagi ke mukhtalif pehluon ko seekh sakein aur apni zindagi ko sanwaar saken.

Rasool Allah ﷺ ki seerat ko jaan'na bachchon ko ek behtareen insaan banaata hai aur unhein Islami taleemaat se roshnaas karwaata hai. Nabi Kareem ﷺ ki hayaat-e-tayyiba mein hamaare bachchon ke liye be-shumaar sabaq hain. Yeh kitaab bachchon ke liye ek taleemi aur tafreehi zariya hai, jo unki ilmi satah ko buland karegi aur deen-e-Islam ke buniyaadi usoolon ko unke zehan mein mazbooti se jamaane mein madadgaar hogi.

Hamaari koshish hai ke yeh kitaab bachchon ke dilon mein Nabi Kareem ﷺ ki mohabbat ke beej bonay ka zariya bane aur unhein ek behtareen musalmaan aur insaan banne ki raah par gaamzan kare. Dua hai ke yeh koshish hamaari naslon ko Nabi Kareem ﷺ ki mohabbat aur pairvi ki taraf raaghib kare. **Aameen Ya Rabbul Aalameen!**

Aapka Khair Kwah

**Shaykh Nooruddin Umri**

MA, MPhil.

Q  
1

Rasool Allah ﷺ ka Naam kya hai ?

A

Rasool Allah ﷺ ka Name Muhammed aur doosra Naam Ahmed bhi hai.

Q  
2

Rasool Allah ﷺ ke waalid aur walida ka Naam kiya hai ?

A

Rasool Allah ﷺ ke waalid ka Naam Abdullah aur walida ka Name Amina hai .

Q  
3

Rasool Allah ﷺ ke waalid ka inteqaal kab huwa?

A

Rasool Allah ﷺ ke waalid ka inteqaal us waqt huwa jab Aap apni walida ke peit mein they.

Q

Rasool Allah ﷺ ke Daada ka Naam kya hai?

4

A

Rasool Allah ﷺ ke Daada ka Naam Abdul Muttalib hai.

Q

Rasool Allah ﷺ ke woh chacha jin'hone aapki kafalat ki unka Naam kiya hai?

5

A

Rasool Allah ﷺ ke woh chacha jin'hone aapki kafalat ki unka Naam Abu Taalib hai.

Q

Rasool Allah ﷺ kab aur kahan paida huwe?

6

A

Rasool Allah ﷺ 9 Rabil al-awwal peer ke din macca mein paida huwe.

Q

Rasool Allah ﷺ ka Naam kisne rakha aur kya rakha?

7

A

Rasool Allah ﷺ ka Naam aapke Daada ne Muhammad rakha.



Q  
8

Rasool Allah ﷺ ki walida ke inteqaal ke waqt Aapki umar kya thi?

A  
6 saal.



Q  
9

Aap ﷺ ki walida ka inteqaal kahan huwa?

A  
Maqam-e-Abwa mein huwa.

Q  
10

Rasool Allah ﷺ ki walida ke baad sabse pehle aapko kisne doodh pilaaya?

A  
Rasool Allah ﷺ ki walida ke baad sab se pehle aapko suwaiba ne doodh pilaaya.

Q  
11

Suwaiba ke baad Rasool Allah ﷺ ko doodh pilaane aur tarbiyat ki zimmedaari kisne li?

A  
Halima saadiya ne.

Q  
12  
A

Daada Abdul Muttalib ne Rasool Allah ﷺ ko Arab ke dehaati aurton ke hawaale doodh pilaane ke liye kyun diya?

Shehri amraaz se bachane aur khaalis Arabi zabaan seekhne ke liye.

Q  
13  
A

Rasool Allah ﷺ ke Daada ke inteqaal ke waqt Aap ﷺ ki Umar kya thi?

Rasool Allah ﷺ ke Daada Abdul Muttalib ke inteqaal ke waqt Aap ﷺ 8 saal ke they.

Q  
14  
A

Abdul Muttalib ke baad Aap ﷺ ki parwarish kisne ki?

Aap ﷺ ke chacha Abu Taalib ne ki.





Q

15

A

Rasool Allah ﷺ ke saath shaq-e-sadar ka waqiya kis umar mein pesh aaya?

Pehli baar 4 saal ki umar mein aur doosri baar meraj se pehle 50 saal ki umar mein pesh aaya.

Q

10

A

Shaq-e-sadar ka waaqiya kahan pesh aaya?

Pehli baar Halima sadiya ke paas banu saad ke charagah mein jahan is Qabeele ke log bakriyan charaya karte they doosri baar zam-zam ke kunwe ke paas Jibraeel Alaihissalaam ne seena chaak kiya aur dil se shaytaani lothde ko nikaal kar zam-zam ke paani se dhoya taake Aap hamesha ke liye shaytaani was-wason se mehfooz rahen.

Q

17

A

Aap ﷺ ki umar ke 15wen saal kaun si jung pesh aayi?

Jung-e-fijaar



Q  
18

Jung-e-fijaar ke baad jo mua'hada huwa tha uska Naam kya tha?

A

Hilful fudhul.

Q  
19

Is muahade ko Aap ﷺ ne kyun pasand farmaya?

A

Is liye ke us mein muzloomo ki madad ki ja'rahi thi.

Q  
20

Aap ﷺ 25 saal ki umar se pehle kya kaam kiya karte they?

A

Bakriyan charaya karte they.





Aap ﷺ ka pehla Nikah kis khatoon se huwa?

Hazrat Khadija Razi Allahu anha se huwa.



Aap ﷺ aur Khadija Razi Allahu anha ki umar Nikah ke waqt kitni thi?

Aap ﷺ ki umar 25 saal aur Hazrat Khadija Razi Allahu anhu ki umar 40 saal thi.



Rasool Allah ﷺ ka Nikah Hazrat Khadija Razi Allahu anha se kaise huwa?

Hazrat Khadija razi Allah anha ko jab Aap ﷺ ke makarim-e-akhlaq ka ilm huwa to un'hone ek paigham ke zariye se aapko apna maal tijaarat ke liye pesh-kash ki. Jab Nabi ﷺ tijaarat se wapas tashreef laaye toh Khadija Razi Allahu anha ne maal mein be-misaal amaanat aur barkat dekhne to apni saheli Nafeesa ke zariye paigham Nikah Aap ﷺ ko pahunchaya to Aap raazi ho'gaye .



Q  
24

Rasool Allah ﷺ ne Hazrat Khadija Razi Allah anha ko meher mein kya diya?

A

25 camel.

Q  
25

kaaba ki ta'ameer ke waqt Aap ﷺ ki umar kya thi aur aapka kaarnama kya tha?

A

kaaba ki ta'ameer ke waqt Aap ﷺ ki umar 35 saal thi aur hajr-e-aswad ko nasb karne ke ikhtilaaf ko badi hi hikmat-o-danaee ke saath hal kiya.

Q  
26

Rasool Allah ﷺ ko Nubuwat kab mili aur aapki umar kya thi?

A

7wen sadi Easwsi ke aaghaz mein us waqt aapki umar 40 saal thi.



Q  
27

Rasool Allah ﷺ ki Nubuwat se pehle poori duniya ka kya haal tha?

A

Poori Duniya Akhlaaqi giravat aur ruhaani bigaad ki inteza par pahunch chuki thi har taraf zulm-o-tashaddud aur fasaad ki aag bhadhak rahi thi.

Q  
28

Rasool Allah ﷺ ko Nubuwat kahan mili?

A

Ghaar-e-Hira mein.



Q  
29

Ghaar-e-Hira kahan waaqe hai?

A

Macca se koi 2 ya 3 meel door, Jabal Noor par waaqe hai.

Q  
30

Rasool Allah ﷺ ke paas wahi kaun laaye?

A

Hazrat Jibraeel Alaihissalaam.

Q

Wahi kise kehte hain?

31

A

Farishte ke zariye Allah ke paigham ko uske Rasool tak pahunchane ko wahi kehte hain.

Q

Sabse pehle Qur'an ki kaunsi aayatein Naazil huwi?

32

A

Surah al-Alaq ki ibtidaayi 5 aayatein Naazil hue.

- (1) اقْرَأْ بِاسْمِ رَبِّكَ الَّذِي خَلَقَ
- (2) خَلَقَ الْإِنْسَانَ مِنْ عَلَقٍ
- (3) اقْرَأْ وَرَبُّكَ الْأَكْرَمُ
- (4) الَّذِي عَلَّمَ بِالْقَلَمِ
- (5) عَلَّمَ الْإِنْسَانَ مَا لَمْ يَعْلَمْ



Q

33

Aap ﷺ jab Nubuwat ke bojh se ghabraaye huwe ghar tashreef laaye toh kisne tasalii di aur Aap ko kiske paas laaya gaya?

A

Rasool Allah ﷺ ki biwi Hazrat Khadija Razi Allahu anha ne Aap ko tasalii di aur Warqa bin Naufal ke paas le gaye.

Q

34

Warqa bin Naufal kaun they?

A

Warqa bin Naufal Hazrat Khadija Razi Allahu anha ke chacha zaad bhai they.

Q

35

Warqa bin Naufal ne kya kaha?

A

Warqa bin Naufal ne Rasool Allah ﷺ se poora waaqea sunne ke baad kaha ye to wohi farishta hai jo pichle Paighambaron ke paas aata tha, kaash mein us waqt zinda rehta jab ke aapki Qaum aapko shehar se nikalegi to aapki bharpoor madad karta.

Q

36

Rasool Allah ﷺ ne sabse pehle kin logon par islam ki dawat pesh ki?

A

Apne ghar ke logon aur doston par.

Q

37

Rasool Allah ﷺ ki dawat par sabse pehle kin logon ne islam qubool kiya?

A

Sabse pehle aurton mein Hazrat Khadija Razi Allahu anha azad mardon mein Hazrat Abu Bakar Siddiq Razi Allahu anhu Hazrat Ali Razi Allahu anhu ghulamon mein Hazrat zaid bin Harisa Razi Allahu anhu ne islam qubool kiya.

Q

38

Rasool Allah ﷺ ne khufia taur par kitne Saal tak islam ki tableeg karte rahe?

A

3 Saal tak.



Q  
39

Shuru mein musalman Islami Talemaat ko haasil karne aur mahswara ke liye kahan jama hote they?

A

Hazrat Zaid bin Arqam ke ghar jo safa pahadi ke daman mein waaqe tha.

Q  
40

Nubuwat ke 3 saal baad Nabi ﷺ ko Qur'an ki kis aayat ke zariye tableegh ka hukum diya gaya?

A

Surah mudassir ki ibtedaayi aayath ke zariye.

Q  
41

Rasool Allah ﷺ ne Nubuwat ke 3 saal baad elaania taur par islam ki tableegh ke liye sabse pehle kaunsa tareeqa ikhtiyar farmaya?

A

Rasool Allah ﷺ Safa pahadi par chadh kar saare Qabeelon ko bula kar Tawheed ki dawat di.

Q  
42

Safah Pahadhi par taqreer ke mauqe par sabse pehle Aap ﷺ ki shaan mein gustaakh kis ne ki?

A

Abu lahab ne bad-dua di toh Allah ne jawab mein surath lahab naazil farmaya.



Q

43

A

Kuffar macca ne Aap ke chacha ke paas jaakar Aap ki shikayat ki aur chacha ne tableegh deen se rukne ke liye kaha aur Aap ne kya farmaya?

Aap ﷺ ne farmaya aye chacha jaan agar yeh mere daayein haath mein chaand aur baayein haath mein suraj bhi laakar rakh de tab bhi mein dawat islam ka kaam nahi chodunga.

Q

44

A

Kuffar macca mein dawat Deen se rokne ke liye kya kiya?

Hansi mazaag tehqeer-o-tauheen karne lage aur galiyon ka nishana banaaya aur jaadugar pagal waghera kehne lage.

Q

45

A

Hazrat Umar bin khattaab ke islam laane ka haqeeqi sabab kya tha?

Rasool Allah ﷺ ne Allah se dua ki aye Allah umar bin khattaab se islam ko taqwiyaat pouncha isi Dua ki Qubuliyat ki wajah se Hazrat Umar Razi Allahu anhu ko eemaan ki taufeeq mili.



Q  
46

Rasool Allah ﷺ ne Hazrat Umar Razi Allahu anhu ke eemaan laane ke baad Islam mein kaunsa bada kar-Naama anjaam diya?

A

kaaba mein musalmano ko lekar bilaa khauf-o-khatar ba-jamaat Namaz adaa ki gayi.

Q  
47

Meraaj Aap ﷺ jismaani thi ya Rohaani

A

Jismaani



Q  
48

Meraaj ki raat Aap ﷺ ko kahan kahan le-jaaya gaya?

A

Meraaj ki raat sabse pehle Aap ﷺ ko Burraq ke zariye Masjid Haraam mein le-jaaya gaya phir wahan se Masjid Aqsa aur wahan se Asmaano ki sair karaate huwe sidrat-ul-muntaha pahunchaya gaya.

Q  
49

Masjid Aqsa mein Rasool Allah ﷺ ne kya kiya?

A

Masjid Aqsa mein Aap ﷺ ne tamaam Ambiya ki imaamat farmayi.



Q

50

Rasool Allah ﷺ ne saaton aasmaano mein kis kis se mulaqaat ki thi?

A

- 1} Aasmaan par Hazrat Aadam Alaihissalaam
- 2} Aasmaan par yahya aur Eesa Alaihissalaam
- 3} Aasmaan par Idrees Alaihissalaam
- 4} Aasmaan par Yousuf Alaihissalaam
- 5} Aasmaan par Haroon Alaihissalaam
- 6} Aasmaan par Moosa Alaihissalaam
- 7} Aasmaan par Ibraheem Alaihissalaam se mulaqaat ki.

Q

51

Madina mein islam ki ibtidaa kis saal se huwi?

A

11 Nubuwat se huwi.



Q

Pehli bai'at uqba kab huwi aur kitne Logon ne bai'at ki?

52

A

Zul-hijja 12 Nubuwat mein yeh bai'at huwi jis mein 12 aadmiyon ne bai'at ki.

Q

Aap ﷺ ne gham ka saal kis saal ko farmaya aur kyun?

53

A

Nubuwat ko gham ka saal kaha kyunke us saal Aap ke ham-dard chacha Abu Taalib aur Aap ki ghamkhar biwi Hazrat Khadija Razi Allahu anha ka inteqaal huwa.

Q

Kya Abu Taalib ne Islam Qabool kiya?

54

A

Janab Abu Taalib ne islam qabool nahi kiya.

ISLAM

Q

Taif macca se kitni doori par hai aur Aapne is safar ko kaise tae kya?

55

A

Macca se taqreeban 87km door hai aur isko Aapne paidal tae kya.

Q  
56

Taif ke safar mein Aap ﷺ ke hamrah kaun they?

A

Zaid ban Harisa.

Q  
57

Rasool Allah ﷺ aur Aap ke sahaba kiraam ka kitne arse tak boycott kiya gaya tha?

A

3 saal tak.

Q  
58

Shaib Abi Taalib ka muhasara kis tarah tha aur kyun huwa tha?

A

Rasool Allah ﷺ aur islam ke khilaaf jab bohat saare zalimana tadbeer huwi to tamaam ne milkar banu hashim aur banu Muttalib ke khilaaf muahada kiya ke unse us waqt tak lain-dein aur har tarah ke muamlaat khatam kar dein jab tak ke woh Rasool Allah ﷺ ko qatal ke liye hamaare hawaale na karde. (Nauzubillah)



Q  
59

Is muahaade ko tehreeri shakal kisne di?

A

Mansoor bin Ikrama ne.

Q  
60

Ye muahaada kahan aur kyun lat-kaaya gaya?

A

Kaaba mein lat-kaaya gaya taake log kaaba ki tazeem mein boycott ki be-hurmati na karen.



Q  
61

Ye boycott kab shuroo aur kab khatam huwa?

A

Mah-e-Muharam 7 Nabwi mein shuroo huwa aur Moharram 10 Nabwi mein khatam huwa.

Q  
62

Qaid ki haalat mein yeh lamba zamaana kaise guzra?

A

Keekar ke patte aur sukhe chamdhe khakar bhook ko dabaate rote bilakte huwe badi musebat mein din guzaare.

Q

Rasool Allah ﷺ ke boycott ko kin logon ne khatam karne ki koshish ki?

63

A

Hisham bin Amar, Zuhair bin abi umia, mutaim bin Adi, abu bukhtari zamaa aswad.

Q

Pehli bai'at Uqba mein Rasool Allah ﷺ se kin baton par Muahaada huwa?

64

A

Allah ke saath kisi ko shareek nahi karenge chori nahi karenge apni aulaad ko qatal nahi karenge is tarah kisi par koi buhtan nahi lagaayenge aur kisi bhi baat par Allah aur uske Rasool ki na-farmaani nahi karenge.

Q

Meraaj kise kehte?

65

A

Meraaj ke maane upar chadhne ke hain.

Q  
66

Kya Rasool Allah ﷺ ko Allah ke paas se meraaj mein Namaz ke alaawa aur bhi tohfe mile?

A

Ji haan, surah baqarah ki aakhri 2 aayatein, is ummat mein koi shirk se bacha rahega to iski maghfirat ho-jaaye gi.

Q  
67

Kis Nabi ne Rasool Allah ﷺ ko Namaz kam karaane ki rae di thi?

A

Hazrat Moosa Alaihissalaam ne.

Q  
68

Aap ﷺ ne 7wen Aasman par Bait-ul-Mamoor ke paas kya dekha?

A

Aap ﷺ ne dekha ke Bait-ul-Mamoor se Hazrat Ibraheem Alaihissalaam tek-lagaaye baithey hai aur 70 hazaar farishte tawaaf kar rahe hain.

Q  
69

Rasool Allah ﷺ ne kis farishte ko meraaj mein asli haalat mein dekha?

A

Hazrat Jibraeel Alaihissalaam ko.



Q  
70

Kya Rasool Allah ﷺ ne meraaj mein Allah ko dekha tha?

A

Nahi balki 2 kamaan ke baraabar faasle par they ke Rasool Allah ﷺ ki taraf Allah ne wahi bheja.

Q  
71

Kya Rasool Allah ﷺ ne jannat aur jahannum ko dekha?

A

Ji haan.

Q  
72

Bait-ul-Mamoor kya hai?

A

Jis tarah duniya mein insaano ke tawaaf karne ke liye sirf kaaba hai isi tarah 7wen Aasmaan par farishton ke tawaaf karne ke liye Bait-ul-Mamoor hai.

Q  
73

**Sidratul muntaha kise kehte hain?**

A

Ek beri ka darakht hai jo 7wen Aasmaan par hai aur yeh Aakhri hadd hai isse upar koi farishta nahi ja-sakta.

Q  
74

**Meraaj mein Aap ﷺ ko Allah ki jaanib se kya tohfa mila?**

A

5 farz Namazon ka tohfa mila jo sawaab mein 50 Namazon ke baraabar hai.

Q  
75

**Rasool Allah ﷺ ne ye waaqea logon ko sunaaya to iska kya asar huwa?**

A

Kuffar Quraish ne isko sach nahi maana aur jin logon ke dilon mein aapki sachchaayi aur sadaqat ka yaqeen tha un'hone sachche dil se qubool kiya.

Q  
76

**Hijrat kise kehte hain?**

A

Sirf Allah ke Deen ke khaatir apne watan ko chodh kar kisi aisi jagah chale jana jahan Deen ke taqaaze poore ho-sake isko Hijrat kehte hain.



Q

Rasool ﷺ ke zamaane mein pehli Hijrat kis ilaaqe ki taraf huwi aur kab huwi?

77  
A

Nubuwat ke 5wen saal Habsha ki taraf pehli Hijrat huwi.

Q

Rasool Allah ﷺ ke zamaane mein kitni Hijratein huwi?

78  
A

3 Hijratein huwi.  
1} Hijrat habsha awwal  
2} Hijrat habsha Duwwam  
3} Hijrat Madina

Q

Rasool Allah ﷺ ne musalmano ko Hijrat karne ka hukum kis liye diya?

79  
A

Kyun ke macca mein musalmano ko kuffar ke haaton is qadar sataaye ja-rahe they ke Deene islam par amal karna mushkil tha isi liye Rasool Allah ﷺ ko Hijrat karne ka hukum diya.



Q

Rasool Allah ﷺ ko Qatal ka mashwara kisne diya?

80

A

Abu jahal ne.

Q

Rasool Allah ﷺ Madina ki jaanib Hijrat ke liye ghar se kab nikle they?

81

A

26 ya 27 safar 14 Nabwi ke darmiyaani raat mein.

Q

Nabi ﷺ ne Hijrat karte waqt apne bistar par kinko aaraam karne ka hukum diya tha aur kyun?

82

A

Hazrat Ali razi Allah anhu ko taake woh amaanatein jo Ahle macca Aap ﷺ ke paas rakha karte they unko wapas kar den.

Q

Rasool Allah ﷺ ko giraftaar karne ka ya unka pata bataane par Quraish ne kitne inaan ka elaan kiya tha?

83

A

100 camel ka.

Q

Safar Hijrat mein Aap ﷺ ke saathi kaun they?

84

A

Hazrat Abu Bakkar Siddiq Razi Allahu anhu they.

Q

Ghaar-e-Saur se Aap ﷺ kab rawaana huwe?

85

A

Rabil awal ek hijri ko.

Q

Hijrat ke mauqe par 100 camel ki laalach mein Nabi ﷺ ko pakadne ke liye kaun nikla tha?

86

A

Suraqa bin Maalik



Q

87

Rasool Allah ﷺ ki giraftaari karne ke mauqe par suraqa ke saath kya waqea pesh aaya?

A

Rasool Allah ﷺ ko giraftaar karne ke liye suraqa Aap ﷺ ke qareeb pouncha toh Aapne bad-dua farmaayi jiski wajah se iska ghodha ghutnon tak zameen mein dhans gaya suraqa ko yaqeen ho gaya ke Rasool Allah ﷺ ki bad-dua ki wajah se aisa ho raha hai isne maafi maangi aur taqub na karne ka waada kiya tab ise najaat mili.

Q

88

Suraqa ne Rasool Allah ﷺ se kya talab kiya?

A

Suraqa ne apni jaan ki aamaan ke liye Rasool Allah ﷺ se aman talab kiya.

Q

89

Rasool Allah ﷺ ne suraqa ko kya khush-khabri sunaayi?

A

Rasool Allah ﷺ ne suraqa se kaha us waqt teri kya shaan hogi jab tere haath mein kisra ke shahi kangan pahnaaye jaayenge.

Q

Kya Rasool Allah ﷺ ne bhi Hijrat ki thi?

90

A

Ji haan.

Q

Rasool Allah ﷺ ko Hijrat karne ka hukum kisne diya?

91

A

Allah Rabbul alameen ne diya.

Q

Rasool Allah ﷺ ke qatal ka mashwaara kab aur kaha pesh aaya?

92

A

12 september baroz jumeraat ko kuffar macca ki parliament Darul Nadwa mein paish aya.



Q  
93

Rasool Allah ﷺ ko macca se Madina Hijrat kyun karna pada?

A

Rasool Allah ﷺ par musalsal takleef ki hadd ho gayi yahan tak ke kuffar macca ke sardar ne Darul-Nadwa mein Rasool Allah ﷺ ko qatal karne ka mansoobah banaaya.

Q  
94

Hijrat habsha mein kitne mard aur kitni auratein thi?

A

12 mard aur 4 auratain thi.



Q  
95

Madina mein islam ki dawat ke liye kisko bheja?

A

Rasool Allah ﷺ ne Musaab bin umair aur Abdullah bin Maktoom ko Madina bheja.

Q  
96

Madina mein jumu'ah ka qiyam sabse pehle kisne kiya aur kab?

A

12 Nabuwat mein Asad bin zurarah ne madina mein sabse pehle jumu'ah ki Namaz parhaayi thi.

Q  
97

Baiate uqba mein kitne aadmi shaamil they unhone kab Rasool Allah ﷺ ki dawat par islam qubool kiya?

A

Rasool Allah ﷺ ne is baat par Ahad liya ke tum chusti aur susti har haal mein meri baat sunoge aur manoge, tangi aur khush-haali har haal mein madad karoge, bhalaayi ka hukum doge aur buraayi se rokoge Allah ki raah mein jab bhi zaroorat ho toh tayyaar ho-jaaoge.

Q  
98

Chaand ke 2 tukde hone ka waaqea kab pesh aaya?

A

Hijrat se taqreeban 5 saal qabal pesh aaya.

Q  
99

Is maujize ka mutaleba kin logon ne kiya tha?

A

Macca ke sardar ne jin mein Waleed bin Mughira, Abu jahal, Aas bin waile, waghera hain.



Q  
100

Rasool Allah ﷺ ke Qatal ke mashwaare mein sardaraane Quraish ki kitni tedaad thi?

A

14 sardar they.

Q  
101

Rasool Allah ﷺ Quba kab pahunchey?

A

Mangal 8 Rabiul-Awwal 14 Nubuwat I Hijri ko Quba pahunchey.

Q  
102

Quba mein Rasool Allah ﷺ kitne din qiyam kiya aur kis cheez ki buniyad rakhi?

A

Rasool Allah ﷺ ne Quba mein 4 din qiyam kiya aur ek Masjid ki buniyaad rakhi al-batta pehle din se is Masjid ki buniyaad rakhi gayi hai aur us mein 2 Rakaat Namaz padhne ka sawaab I Umrah ke baraabar hai.

Q  
103

Aap ﷺ Quba se Madina ki taraf kab rawaana huwe?

A

Jumu'ah ke din Allah ke hukum se camel par sawaar huwe aur Madina ki taraf rawaana huwe.



Q  
104

Rasool Allah ﷺ ne jumu'ah ki Namaz kaha adaa farmaayi aur kitne sahaba kiraam Namaz mein shareek they?

A

Rasool Allah ﷺ ne jumu'ah ki Namaz banu salim bin auf ki basti mein ada ki aur is Namaz mein Sahaba karaam shareek they.

Q  
105

Rasool Allah ﷺ ki Aamad ki khabar Ahale Madina ko kis ne di?

A

Ek yahoodi jis ne Aakar buland awaaz se kaha Arab ke logo, yeh raha tumhaara naseeb jiska tum shiddat se intezaar kar rahe they.

Q  
106

Ahle Madina ne Aap ﷺ ka isteqbaal kis tarah kiya?

A

Ahle Madina khushi ke maare gharon se nikal padhey aur Takbeerat buland ki.



Q  
107

Rasool Allah ﷺ ki camel kahan baithi aur is muhalle ka kya Naam tha?

A

Rasool Allah ﷺ ki camel us maqam par baithi jahan aaj Masjid Nabwi hai aur is muhalle ka Naam banu Al Najjar tha.

Q  
108

Rasool Allah ﷺ ki mezbaani ka sharf kis Sahabi ko haasil huwa?

A

Abu Ayyub Ansari ko mezbaani ka sharf haasil huwa.

Q  
109

Allah ta'ala ki dawat aur Deeni kaamon ko agae badhaane ke liye Rasool Allah ﷺ ne sabse pehle kya kaam kiya?

A

Rasool Allah ﷺ ne sab se pehle Masjid-e-Nabawi taameer farmaayi.

Q  
110

Jis jagah Masjid Nabawi banaayi gayi woh jagah kis ki thi?

A

Ye jagah 2 yateem bachchon ki thi jo Qeemat de kar kharidi gayi thi.

Q  
111

**Kya Ahal-e-Madina ko Rasool Allah ﷺ ki Aamad ki khabar thi?**

A

Ji haan, Ahal-e-Madina rozaana subah sawere shehar se bahar nikal kar Rasool Allah ﷺ ki Aamad ka intezaar kiya karte the aur dopahar ke waqt jab garmi tez huwi toh ghar lout jaaya karte they.

Q  
112

**Jamaat ke saath Namaz adaa karne ke liye sabse pehle kya mashwara tae huwa?**

A

Umar Razi Allahu anhu ne mashwara diya ke salat-ul-jamea keh kar jama kiya jaaye isi par ittefaaq bhi huwa.

Q  
113

**Azaan ke silsile mein kis kis ne khwaab dekha?**

A

Abdullah bin zaid ne Azaan ke silsile mein khwaab dekha isi tarah umar Razi Allahu anhu ne bhi khwaab dekha.



Q

114

Rasool Allah ﷺ ne Azaan dene ke liye kise muntakhab kiya?

A

Bilal Razi Allahu anhu ko kyun ki unki aawaaz zyada buland aur meethi thi.

Q

115

Pehle Musalman kis taraf rukh karke Namaz padha karte they?

A

Bait-ul-Maqdis ki taraf rukh karke Namaz padha karte they.

Q

116

Rasool Allah ﷺ ne kitne arse tak Bait-ul-maqdis ki taraf rukh karke Namaz padhi?

A

Rasool Allah ﷺ ne 16 mahine tak Bait-ul-maqdis ki taraf rukh karke Namaz padhi.



Q

117

Qible ka rukh badalne ke silsile mein kaunsi aayath naazil farmaayi?

A

فَوَلِّ وَجْهَكَ شَطْرَ الْمَسْجِدِ الْحَرَامِ وَحَيْثُ مَا كُنْتُمْ فَوَلُّوا وُجُوهَكُمْ شَطْرَهُ

bas tum apna rukh Masjid haraam ki taraf pherlo aur jahan bhi tum ho iski taraf apna rukh kar liya karo.

Q

118

Masjid Nabawi ki taameer ke baad Aap ﷺ ne doosra ahem kaam kya kiya?

A

Ansaar aur Muhajreen mein bhai chaargi karaayi.

Q

119

Ansaar Muhajreen ke saath kis tarah pesh aaye?

A

Ansaar-o-Muhajreen ke saath izzat mohabbat aur khuloos se pesh aaye aur unhe apne baagaat aur tijaarat mein shareek kar liya.

Q

120

Rasool Allah ﷺ ko Madina mein kitni qaumo se wasta padha?

A

3 Qaumo se wasta padha.

1} Mushrikeen 2} Yahood 3} munafiqeen.



**Q** Munafiqon ka Raees kaun tha?

121

**A** Munafiqon ka Raees Abdullah bin ubai bin salul tha.

**Q** Yahoodiyon ke Aalimo mein sabse pehle kisne islam qubool kya?


122

**A** Abdullah bin Salam Razi Allahu anhu ne islam qabool kya.

**Q** Islami fauji muhim ko Arabi mein 2 Naam diye gaye hai woh kya hai?

123

**A** 1} Sariya 2} Ghazwah





Q

Sariya kise kehte hain?

124

A

Sariya-o-jung hai jisme Rasool Allah ﷺ tashreef nahi le-gaye balki sahaba kiraam ko rawaana kiya ho.

Q

Ghazwah kise kehte hain?

125

A

Ghazwah us jung ka Naam hai jisme Rasool Allah ﷺ tashreef le-gaye hun.

Q

Sariya aur Ghazwah ki tedaad kitni hai?

126

A

Ghazwa ki kul tedaad 28 hai sariya ki tedaad 55 hai.

Q

Hijrat ke doosre saal kaun kaunsi cheezein farz huwi?

127

A

Zakaat aur Ramadan ke roze farz huwe.

**Q** Islam ke pehle Ghazwah ka kya Naam hai aur Ghazwah kis saal mein pesh aaya?

128

**A** Islam ki pehli Ghazwah Badar hai aur yeh Ghazwah Hijrat ke doosre saal Badar ke maidan mein pesh aaya.

**Q** Ghazwah Badar mein musalmano ki tadaad kitni thi?

129

**A** Ghazwah Badar mein musalmano ki tadaad 313 thi.

**Q** Mushrikeen macca ki tedaad musalmano ke muqable mein kitni thi?

130

**A** 1000.



Q  
131

**Ghazwah Uhad kab pesh aaya?**

A

Ghazwah Badar ke I saal baad yaani II shawaal 3 hijri baroz hafta pesh aaya.

Q  
132

**Mushrikeen ke lashkar ki tafseel bataayein?**

A

3000 fauji 308 camel 200 Ghodhe aur 700 zirah par mushtamil tha.

Q  
133

**Ghazwah Uhad mein Islami lashkar ki kya tedaad thi?**

A

Pehle Islami lashkar ki tadaad I Hazaar thi baad mein abdullah bin Ubai 300 saathiyon ko lekar Madina wapas ho gaya jiski wajah se mujahideen ki tedaad sirf 700 baqi reh gayi thi.

Q  
134

**Madina mein Allah ta'ala ne Rasool Allah ﷺ ko khwaab mein kya dikhlaaya?**

A

Aap ﷺ ne khawaab mein dekha ke Aap Masjid Haraam mein daakhil huwe aur saron ko mundawayaya aur qasr karwaaya.

Q  
135

Ghazwah Uhad mein shaheed hone waale sahabi ka Naam bataaye jinhein farishton ne ghusal diya?

A

Hazrat Hanzala bin Aamir jinhein farishton ne ghusal diya isi liye unko ghasilul maalaikah bhi kehte hain.

Q  
136

Ghazwah Uhad ke baad musalmano aur mushrikeen ke darmiyaan kaunsi badhi jung huwi aur kab huwi?

A

Jung-e-Ahzaab 5 Hijri mein huwi.

Q  
137

Khandaq khodne ke liye kiski rae par ittefaaq huwa?

A

Khandaq khodne ke liye Salman farsi Razi Allahu anhu ke rae par ittefaaq huwa.



Q

138

A

**Jung-e-Ahzaab mein mushrikeen shikast kha-kar bhagne par kyun majboor ho-gaye?**

Allah ta'ala ne mushrikeen ke upar toofaan bheja jisse unke khaima ukhadh gaye aur farishton ka ek lashkar bheja jisse unke dilon mein roab aur khauf daal diya.

Q

139

A

**Aap ﷺ aur sahaba kiraam Madina se macca ki taraf kab rawaana huwe?**

1 Zul qaidah sun 6 Hijri peer ke din Madina se nikle.

Q

140

A

**Aap ﷺ ke saath kitne sahaba kiraam they?**

1400 sahaba kiraam they.

Q

141

A

**Mushrikeen macca meeting mein kya faisla kya?**

Mushrikeen macca meeting mein yeh faisla huwa ke musalmano ko BaitulAllah se roka jaaye.

Q  
142

Jo bai'at Rasool Allah ﷺ ne Sahaba kiraam se li woh bai'at kis Naam se mashoor hai?

A

Jo bai'at Rasool Allah ﷺ ne sahaba kiraam se li woh Bai'at Rizwan hai.

Q  
143

Musalmano se sulah karaane ke liye Mushrikeen ki jaanib se kaun aaya?

A

Sohail bin Amr.

Q  
144

Sulah mein kitni shartein thi?

A

1} Sulah mein Rasool Allah ﷺ is saal macca mein daakhil nahi honge aindah saal macca mein daakhil honge.

2} Aapas mein das saal jange band hogi.

3} Quraish ka jo bhi aadmi musalmano ki panah mein aayega musalman ise lautayenge lekin musalmano ka jo bhi aadmi Quraish ki panah mein aayega usey wapas nahi karenge.



Q

Suleh Hudebiya ko Qur'an ne kis se tabeer kiya hai?

145

A

Fatah Azeem se tabeer kya hai.

(Al-fatah) **إِنَّا فَتَحْنَا لَكَ فَتْحًا مُّبِينًا**

Q

Rasool Allah ﷺ ne kin kin badshahon ke Naam khutoot likhe?

146

A

Habsha ke badshah Najashi, misar ke badshah Muqaoqes Iran ke badshah Khusru Parvez Ameer Yamama Haakim bahrain aur Haakim Uman ke Naam khutoot likhe .

Q

Suleh hudebiya ke waqt Rasool Allah ﷺ aur sahaba kiraam umrah nahi kar sake toh phir un'hone umrah ki Qaza kab ki?

147

A

Zul-Qaidah 7 Hijri mein umrah ki Qaza ki.

Q

Allah ta'ala ne Rasool Allah ﷺ ko kab macca fatah karne ka sharf baksha?

148

A

Ramadan sun 8 Hijri mein.

Q

149

Rasool Allah ﷺ ne macca waalon ke saath kya maamla kiya?

A

Suleh hudebiya ke sharayait ki khilaaf warzi karne par.

Q

150

Fatah macca ke waqt Islami lashkar ki tadaad kitni thi?

A

Fatah macca ke waqt Islami lashkar ki tedaad 10 hazaar thi.


Q

151

BitulAllah ke aas paas aur chat par kitne buth they?

A

360 buth they.



Q

Rasool Allah ﷺ ne macca waalon ke saath kya maamla kiya?

152

A

Rasool Allah ﷺ macca waalon ko maaf kiya aur unse wahi baat kahi jo Yousuf Alaihissalaam ne bhaiyon se kahi thi.

لَا تَثْرِبَ عَلَيْكُمُ الْيَوْمَ يَعْفِرُ اللَّهُ لَكُمْ وَهُوَ أَرْحَمُ الرَّاحِمِينَ

Aaj tum par koi pakadh nahi hai Allah tumhe bakhsh de woh tamaam reham karne waalon se zyada reham karne waala hai.

Q

Macca fatah hone ke baad rehmat-ul-alameen ne apne sahaba kiraam se kya elaan kiya?

153

A

1} Jo Abu Sufyan ke ghar mein panah le usey amaan di jaaye. 2} jo shakhs hathyaar daal de usey qatal na kiya jaaye. 3} jo Masjid mein daakhil ho usey qatal na kiya jaaye.

Q

Rasool Allah ﷺ ki zindagi ka aakhri Ghazwah kaunsa hai?

154

A

Ghazwah Tabook.

Q

Kis baadshah ne madina par hamla karne ka irada kiya tha?

155

A

Room ke badshah Hiraqal ne Madina par hamla karne ka irada kya tha.

Q

Ghazwah Tabook mein Islami lashkar ki tedaad kitni thi?

156

A

30 hazaar.

Q

Hijrat ke baad Rasool Allah ﷺ ne kitne Hajj kiye?

157

A

1 Hajj jo Hajjat-ul-wadah ke Naam se mash'hoor hai.



Q  
158

Aakhri Hajj Nabi ﷺ ne kis saal mein kiya?

A

10 Hijri mein.

Q  
159

Rasool Allah ﷺ ke saath kitne sahaba ne Hajj kiya?

A

1 lakh 24 hazaar sahaba ne Hajj kiya.

Q  
160

Rasool Allah ﷺ kab bimaar huwe?

A

11 Hijri mah-e-safar aakhri chaar-shambe ko bimaar huwe.

Q  
161

Kis tareekh ko Rasool Allah ﷺ Allah se jaa-mile?

A

Rasool Allah ﷺ peer ke din 12 Rabbil-Awwal 11 Hijri 63 saal ki umar mein Allah se jaa-mile .



# Introduction Of Shaikh Nooruddin Umeri

Shaikh Nooruddin Umeri Is A Renowned Islamic Scholar, Speaker And Researcher From Hyderabad, India. He Has Delivered Thousands Of Talks All Over India – In Organized Programs As Well As Friday Sermons In Masaajid. Apart From The Lengthy Speeches, His Short And Informative Videos On Youtube On A Variety Of Topics Have A Large Number Of Followers, Alhamdulillah.

He Is A Successful Child Psychologist And A Family Therapist. With Indepth Understanding Of Islam, He Specializes In Counseling Students, Parents And Spouses In The Light Of Shari'ah.

## EDUCATION:

- Aalim Faazil – Jamia Darussalam, Omerabad.
- Bachelor of Arts, Arabic– Madras University.
- Master of Arts, Arabic – English & Foreign Languages University (EFLU), Hyd.
- Diploma in Translation – English & Foreign Languages University (EFLU), Hyd.
- Master of Philosophy, Arabic–English & Foreign Languages University (EFLU), Hyd.
- Master of Arts, Urdu – Central University of Hyderabad, Hyd.

## TEACHING EXPERIENCE:

- Arabic Lecturer At Narayana Junior College, Hyderabad For A Period Of 10 Yrs.
- Jamia Darul Furqaan, Sayeedabad, Hyderabad.
- Jamia Hafsa As-Salfiya, Golconda, Hyderabad.

## RESEARCH WORK:

AskIslamPedia.com–An Online Islamic Encyclopedia, Head Office–Hyderabad.

## CURRENT DESIGNATION:

Director - Ocean The ABM School, Hyderabad.







MRP ₹ 120/-

Design By  
 @suffahgraphics  
 +91-89513 73323

